



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM

Komisija za vanjske poslove

Broj:01,2-011-188-03/03

Sarajevo, 14.02.2002.godine

ZAPISNIK

Sa pete sjednice Komisije za vanjske poslove

Sjednica je održana 13.02.2003.godine sa početkom u 12.00 sati.

Sjednici su prisustvovali sljedeći njeni članovi: Martin Raguž, Sead Avdić, Izet Hadžić, Milorad Živković, Jelina Đurković, Nenad Mišić, Azra Hadžiahmetović, Seada Palavrić i Vinko Zorić.

Sjednicom je predsjedavao Martin Raguž, predsjedatelj Komisije za vanjske poslove, a zapisnik je vodila sekretar Merdžana Iglica.

Predsjedatelj Komisije za vanjske poslove predložio je sljedeći

DNEVNI RED

1. Verificiranje zapisnika sa 4. sjednice Komisije za vanjske poslove Zastupničkog doma Parlamentarne skupštine Bosne i Hercegovine, održane 13. 01.2003.godine;
2. Upoznavanje članova Komisije sa posjetom delegacije Medžlisa Islamske Republike Iran Bosni i Hercegovini i priprema sastanka sa Odborom za međunarodne odnose i sigurnost koji se održao tog istog dana, 13.02.2003.godine od 17.30-18.30 sati;
3. Upoznavanje članova Komisije sa Prijedlogom plana posjeta za 2003. godinu na nivou Parlamentarne skupštine BiH koji je sačinilo Ministarstvo vanjskih poslova BiH;
4. Upoznavanje članova Komisije sa pozivom potpresjednika Hrvatskog Sabora i predsjednika Odbora za vanjsku politiku, g. Z. Tomca za posjetu Hrvatskom Saboru u prvoj polovici ove godine;
5. Upoznavanje članova Komisije sa pozivom predsjednika Odbora za vanjsku politiku Državnog Zbora Republike Slovenije, g. J. Kacina za posjetu Državnom Zboru Republike Slovenije;
6. Upoznavanje članova Komisije sa prijedlogom kriterija za izbor delegacija Parlamentarne skupštine Bosne i Hercegovine u međunarodnim organizacijama:
 - a) Parlamentarna skupština Vijeća Evrope (VE);
 - b) Parlamentarna skupština Organizacije za evropsku sigurnost i suradnju (OSCE);

- c) Centralno-evropska inicijativa (CEI);
 - d) Interparlamentarna grupa BiH u Interparlamentarnoj Uniji (IPU);
 - e) Parlamentarna delegacija BiH za odnose sa Evropskim parlamentom (EP);
 - f) Parlamentarna skupština Organizacije sjevernoatlantskog saveza (NATO);
7. Upoznavanje članova Komisije sa informacijom o sastanku predstavnika Ambasade Bosne i Hercegovine u Parizu sa predstavnicima Grupe prijateljstva BiH-Francuska u Nacionalnoj skupštini Republike Francuske;
 8. Upoznavanje članova Komisije sa Zabilješkom o susretu nerezidentnog ambasadora Republike Kube za BiH, g. Laureano Alfredo Leon Alvareza 28. 09.2002. godine sa predsjedavajućim Zastupničkog doma Parlamentarne skupštine BiH u prošlom sazivu;
 9. Tekuća pitanja.

Ad.1. Komisija je razmatrala zapisnik sa 4. sjednice Komisije za vanjske poslove Zastupničkog doma Parlamentarne skupštine BiH i jednoglasno ga usvojila;

Ad.2. Članovi Komisije su upoznati sa posjetom delegacije Medžlisa Islamske Republike Iran Bosni i Hercegovini i dobili su biografske informacije o članovima Odbora za vanjsku politiku i nacionalnu sigurnost kao i Podsjetnik za Islamsku Republiku Iran koji je dostavilo Ministarstvo vanjskih poslova BiH. Zaključak Komisije je da se podrže sve institucionalne veze između BiH i Irana, kako na parlamentarnoj tako i na razini Komisija za vanjske poslove, da se intenzivno i konkretno radi na tzv. ekonomskoj diplomaciji ohrabrivanjem direktnih ulaganja u našoj zemlji kao i na intenziviranju kulturne i svake druge suradnje potpisivanjem Protokola o međusobnoj suradnji.

Ad.3. Komisija je upoznata sa Prijedlogom plana posjeta za 2003.godinu na nivou Parlamentarne skupštine BiH koji je sačinilo Ministarstvo vanjskih poslova BiH i okvirno ga podržalo sa sugestijama da MVP BiH ažurira ovaj plan i napravi selekciju po prioritetima i važnosti s obzirom na finansijske mogućnosti predviđene budžetom te pripremi listu posjeta koje je Parlamentarna skupština BiH napravila u prošloj godini sa cijenama koštanja tih putovanja. Kao zaključak rasprave o ovoj tački dnevnog reda istaknuta je neophodnost još intenzivnijih kontakata i posjeta na parlamentarnom nivou sa evropskim državama i državama koje se nalaze u našem neposrednom okruženju (Hrvatska, Srbija i Crna Gora, Slovenija, Makedonija, Italija, Mađarska, Švicarska...) kao i potreba za dodatnim konsultacijama sa zvaničnicima MVP-a BiH i Ministarstva financija Vijeća ministara BiH oko usklađivanja Plana za posjete u 2003.godini na nivou Parlamentarne skupštine BiH. Također je zaključeno da do kraja mjeseca treba organizirati posebnu tematsku sjednicu, zajednički sastanak sa zvaničnicima MVP-a BiH i Direkcije za evropske integracije Vijeća ministara BiH, na kojem bi oni članove Komisije upoznali sa stupnjem ispunjavanja obaveza koje Bosna i Hercegovina ima prema Vijeću Evrope i drugim međunarodnim institucijama u 2003. godini pri čemu treba nastojati obezbijediti prisustvo javnosti.

Ad.4. i Ad.5. Članovi Komisije su upoznati sa pozivima predsjednika Odbora za vanjsku politiku Sabora Republike Hrvatske i Državnog Zbora Republike Slovenije za posjetu ovim Odborima, sa zadovoljstvom pozive prihvaćaju i suglasili su se da ove posjete budu organizirane jedna za drugom tokom mjeseca maja/svibnja ove godine. Komisija je konstatala da postoji dosta otvorenih pitanja u međusobnim odnosima ove dvije zemlje i BiH, te da stoga treba zadužiti Vijeće ministara BiH da pripremi kvalitetne informacije oko ovih pitanja i mogućnost njihovog što efikasnijeg rješavanja, jer je najbolji kanal za to upravo međuparlamentarna suradnja kao i suradnja na nivou Komisija.

Ad.6. Komisija je raspravljala i o prijedlogu kriterija za izbor delegacija Parlamentarne skupštine BiH u međunarodnim organizacijama i dala niz primjedbi i sugestija kao što je poštivanje kriterija stručnosti, profesionalnog angažmana u Parlamentu, davanja prilike i opoziciji da budu članovi delegacija, itd. Predsjedatelj Komisije, g. Raguž se obavezao da će prenijeti sve sugestije oko ovog pitanja Kolegiju Zastupničkog doma, kao i Kolegiju Doma naroda, koji će usaglašavati kriterije za izbor članova delegacija u međunarodnim organizacijama.

Ad.7. Članovi Komisije su upoznati sa informacijom sa sastanka sa predstavnicima Grupe prijateljstva BiH-Francuska i složili se da se uputi poziv delegaciji Grupe da u skoro vrijeme posjeti Bosnu i Hercegovinu.

Ad.8. Komisija je upoznata sa zabilješkom sa susreta sa nerezidentnim ambasadorom Republike Kube za BiH i prihvatila tadašnji izneseni prijedlog da se formira parlamentarna grupa za prijateljstvo između dva Parlamenta.

Ad.9. Pod tekućim pitanjima su članovi Komisije upoznati sa informacijom-pozivom Fondacije Konrad Adenauer za studijsko putovanje za šest zastupnika Zastupničkog doma (Belkić, Palavrić, Raguž, Lagumdžija, Špirić, Đurković) u Berlin i Brisel u periodu od 15. do 21.03.2003.godine.

Također je pokrenuta inicijativa da se na prvoj narednoj redovnoj sjednici Zastupničkog doma povede rasprava o aktualnim političkim dešavanjima u svijetu, s obzirom na situaciju sa Irakom te da tim povodom mjerodavne institucije zauzmu svoj stav koji će biti prezentiran zastupnicima Zastupničkog doma.

Sjednica je završena u 14,30 sati.

Zapisnik sačinila:
Merdžana Iglica, sekretar Komisije

Predsjedatelj
Komisije za vanjske poslove
Martin Raguž